

The Electronic Manipulus florum
www.manipulusflorum.com

Iuuentus b
cum fonte primo

Premittit etatis generalem iactanciam quo plus commendet humilitatis sue gratiam. Non mirabilis humilitas in senectute que effeta uiribus, debilitata fracturis, tristis doloribus, hanela suspiriis, cocta curarum aestibus, et ipsa uiuendi mesto fastidio alacritatem est oblita iactancie. Rara sane iuuenibus est humilitas ideoque miranda. Dum etas uiget, dum uires solide, dum sanguis estuat, dum sollicitudo nescitur, dum ignoratur debilitas, dum leticia frequentatur, tunc feruet iactancia, tunc se iuuentutis extollit affectus, tunc humilitas quasi uilescit, abiecta contempnitur, tunc subiectio degeneris consciencie estimatur infirmitas.

Ambrosius super Beati immaculati.

dicat ergo: iuuenis ego sum et despectus,
praemittat aetatis generalem iactanciam, quo plus commendet humilitatis suae gratiam. non mirabilis humilitas in senectute, quae effeta uiribus, fracta debilitatibus, tristis doloribus, anhela suspiriis, cocta curarum aestibus et ipso uiuendi maesta fastidio alacritatem est oblita iactantiae. Rara sane in iuuenibus est humilitas ideoque miranda. dum aetas uiget, dum uires solidae, dum sanguis aestuat, dum sollicitudo nescitur, dum ignoratur debilitas, dum laetitia frequentatur, tunc feruet iactantia, tunc se iuuentutis superbus extollit affectus, tunc humilitas quasi uilescit, abiecta contempnitur, tunc subiectio degeneris consciencie aestimatur infirmitas.

Ambrosius Mediolanensis, *Expositio Psalmi 118*, 18, 31, 1-2 (CSEL 62, M. Petschenig ed., pp.413-14, ll.15-25, 1).